



Adresa: Ul. Hamdije Čemerlića 39a  
71000 Sarajevo  
<http://www.voda.ba>

tel. +387 33 726 422  
fax. +387 33 726 423  
e – mail: [info@voda.ba](mailto:info@voda.ba)

Broj: **UP-1/21-1-40-294-5/25**

Datum: **23.09.2025. godine**

Agencija za vodno područje rijeke Save" Sarajevo, rješavajući po zahtjevu Investitora „Euro Stone Company“ d.o.o. Zavidovići za donošenje Rješenja o prethodnoj vodnoj saglasnosti za izradu dijela projektne dokumentacije koja se odnosi na ispuštanje tehnoloških otpadnih voda i aktivnosti koje mogu imati specifične uticaje na vode prilikom izvođenja radova na eksploataciji i preradi mineralnog resursa serpentinita-lerzolita na ležištu Hrastova kosa, Općina Žepče, na osnovu člana 139. stav (1) tačka 3. i 10. Zakona o vodama („Službene novine Federacije BiH“, br. 70/06) i člana 200. stav (1) Zakona o upravnom postupku („Službene novine Federacije BiH“, broj 2/98, 48/99 i 61/22) donosi

### **RJEŠENJE** **o prethodnoj vodnoj saglasnosti**

1. Pravnom licu „Euro Stone Company“ d.o.o. Zavidovići daje se prethodna vodna saglasnost za izradu dijela projektne dokumentacije koja se odnosi na ispuštanje tehnoloških otpadnih voda i aktivnosti koje mogu imati specifične uticaje na vode prilikom izvođenja radova na eksploataciji i preradi mineralnog resursa serpentinita-lerzolita na ležištu Hrastova kosa, na zemljištu označenom kao k.č. br. 2725/1, Rujevica-Boljak, upisano u PL. br. 280 Željezno polje, Općina Žepče.  
Ova prethodna vodna saglasnost može se koristiti isključivo za potrebe izdavanja urbanističke saglasnosti i okolinske dozvole i za objekte i aktivnosti za koje nije potrebna okolinska dozvola i u postupku izdavanja koncesije na vodama i vodnom dobru.
2. Ova prethodna vodna saglasnost daje se u svrhu izrade dijela projektne dokumentacije koja se odnosi na ispuštanje tehnoloških otpadnih voda koje će nastati kao posljedica provođenja aktivnost na eksploatacionom polju, koje se ne smatraju građenjem, a uključuju istražne radove i ispitivanja, kao i aktivnosti na otkrivanju, eksploataciji i preradi mineralne sirovine serpentinita-lerzolita na ležištu Hrastova kosa, na zemljištu označenom kao k.č. br. 2725/1, Rujevica-Boljak, upisano u PL. br. 280 Željezno polje, Općina Žepče tj. aktivnosti koje mogu trajno, povremeno ili privremeno uticati na promjenu režima voda i ista se može koristiti u postupku dobijanja urbanističke saglasnosti i okolinske dozvole za istražne radove, eksploataciju mineralne sirovine te preradu iste, na predmetnom lokalitetu.
3. Prethodnom vodnom saglasnošću se utvrđuju uslovi za izradu projektne dokumentacije za predmetne aktivnosti iz tačke 1. dispozitiva, kako slijedi:
  - 3.1. Izraditi i revidovati investiciono tehničku dokumentaciju prikupljanja, tretmana i ispuštanja tehnoloških otpadnih voda sa ležišta Hrastova kosa, površine cca 4,38 ha. Projektna dokumentacija treba biti urađena od strane pravnog lica koje ima ovlaštenje pribavljeno od strane Federalnog ministarstva poljoprivrede, vodoprivrede i šumarstva (lista „A“), a u skladu sa članom 5. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20, 63/22).
  - 3.2. U investiciono-tehničkoj dokumentaciji treba dati rješenje snabdijevanja tehnološkom vodom za potrebe obaranja prašine na transportnim putevima i radnim površinama. Projekat treba da sadrži odgovarajuće hidrauličke proračune i sl.
  - 3.3. U projektu treba dati rješenje prikupljanja, odvodnje i tretmana tehnoloških otpadnih voda koje nastaju na prostoru na kojem će se vršiti separisanje mineralne sirovine, parking površinama, pralištima odnosno prostorima na kojima će se vršiti pranje i servisiranje radnih mašina, skladištenje nafte, naftnih derivata, maziva i ulja, pratećih objekata i dr. radno-manipulativnim površinama koje su opterećene suspendovanim materijama, mastima i uljem i koje se trebaju odvojenim sistemom kanalizacije odvesti na odgovarajući tretman. Prečišćene vode nakon tretmana se mogu ispustiti u definisani recipijent.
  - 3.4. Investitor je obavezan da u cilju zaštite vodotoka-prijemnika od zamuljenih oborinskih onečišćenih voda, predvidi izgradnju taložnih bazena u koje će se prikupljati sve oborinske vode sa radnih platoa, otkopnih etaža i dr. manipulativnih površina. Parking prostor i prostor

- pretakališta nafte je potrebno asfaltirati sa nagibom prema slivnicima i sabirnim rešetkama unutar tog prostora, te ih oivičiti. Izbistrena voda nakon prečišćavanja, oslobođena suspendovanih materija, ulja, masti i dr. može se ispustiti u definisani prijemnik. U dokumentaciji mora biti naznačen način i lokalitet odlaganja istaloženog mulja iz taložnika sa svim potrebnim mjerama da se isti ne rasipa po okolnom terenu.
- 3.5. Projekat hidroinstalacija (vodovod i kanalizacija) mora dati rješenje snabdijevanja vodom kao odvojeni sistem za korištenje sanitarne i tehnološke vode, a za kanalizacioni sistem, separatnu kanalizaciju tehnoloških otpadnih voda, oborinskih nezagađanih voda, fekalnih voda i oborinskih onečišćenih voda. Projektom riješiti pitanje prečišćavanja svih otpadnih voda i dati način ispuštanja prečišćenih voda do definisanog recipijenta.
  - 3.6. Investitor u tehničkoj dokumentaciji treba dati takva rješenja kojim će se obezbijediti da otpadne vode prije ispuštanja u prijemnik trebaju da zadovolje uvjete za ispuštanje u površinske vode propisane u Prilogu 27. Uredbe o uslovima ispuštanja otpadnih voda u okoliš i sisteme javne kanalizacije („Sl. novine Federacije BiH”, broj: 26/20, 96/20 i 1/24).
  - 3.7. U investiciono-tehničkoj dokumentaciji treba predvidjeti monitoring okna prije ispuštanja prečišćenih otpadnih voda u prirodni recipijent.
  - 3.8. Izrada projektne dokumentacije treba biti usklađena sa važećom prostorno - planskom dokumentacijom i razvojnim planovima Općine Žepče.
  - 3.9. Da se u okviru projektnog rješenja primjene tehničko-tehnološke mjere koje će spriječiti kontaminaciju voda, tla i zraka.
  - 3.10. Projektom dokumentacijom potrebno je obuhvatiti cjelokupni prostor na kojem će se vršiti eksploatacija mineralne sirovine, separacija mineralne sirovine uključujući i prateće sadržaje i postrojenja sa naznakom na kojem lokalitetu će sve vršiti servisiranje mehanizacije, pretakanje nafte i nafnih derivata te njihovo skladištenje na lokalitetu „Hrastova kosa”, Željezno polje, Općina Žepče. Predmetna dokumentacija mora sadržavati podatke z.k. k.č. i K.O. lokaliteta odobrenog koncesionog prostora, u skladu sa ugovorom.
  - 3.11. Projektom dokumentacijom definisati da se opasni materijal i otpad ne smiju ni privremeno odlagati na česticu „vodno dobro”, odnosno u vodotoke i na njegove obale.
  - 3.12. Projektom dokumentacijom jasno definisati položaj predmetnog prostora u odnosu na površinske vodotoke sa prijedlogom mjera zaštite.
  - 3.13. Projektom dokumentacijom sagledati sve moguće neželjene uticaje kako na planirane aktivnosti i prateće objekte, tako i planiranih aktivnosti na druge objekte i postrojenja, postojeću instaliranu i izgrađenu infrastrukturu druge korisnike voda i sl. i dati prijedlog mjera za uklanjanje odnosno sprječavanje tih utjecaja.
  - 3.14. Pri izradi tehničke dokumentacije pridržavati se pravila struke i nauke te zakonske regulative vezane za ovakvu vrstu radova te ekološko-ekonomskih zahtjeva.
  - 3.15. Investiciono-tehnička dokumentacija za pribavljanje vodne saglasnosti treba biti urađena na nivou projekta za pribavljanje odobrenja za građenje i u skladu sa uslovima iz ove prethodne vodne saglasnosti.
4. Investitor je dužan kod izrade tehničke dokumentacije predvidjeti odgovarajuće mjere da predmetnom aktivnošću, za koju se utvrđuju uvjeti, ne bi došlo do šteta za okoliš ili nepovoljnih posljedica za vodoprivredne interese.
  5. Po izradi investiciono tehničke dokumentacije, u skladu sa uslovima iz dispozitiva ovog rješenja i stručnoj reviziji iste, korisnik prava iz prethodne vodne saglasnosti dužan je da ovoj Agenciji podnese zahtjev za izdavanje vodne saglasnosti, na projektnu dokumentaciju za ispuštanje tehnoloških otpadnih voda i aktivnosti koje mogu imati specifične uticaje na vode prilikom izvođenja radova na eksploataciji i preradi mineralne sirovine serpentinita-lerzolita na ležištu Hrastova kosa, na zemljištu označenom kao k.č. br. 2725/1, Rujevica-Boljak, upisano u PL. br. 280 Željezno polje, općina Žepče u okviru odobrenog koncesionog polja.
6. Zahtjev za izdavanje vodne saglasnosti dostavlja se u skladu sa članom 8. i 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata, a prije izdavanja odobrenja za građenje.
- Uz zahtjev se između ostalog prilaže:
- Revidovana Investiciono-tehnička dokumentacija urađena u skladu sa uslovima iz dispozitiva ovog rješenja,
  - Rješenje o urbanističkoj saglasnosti izdato od strane nadležnog organa,

- Važeći koncesioni ugovor sklopljen sa nadležnim organom koji se odnosi na eksploataciju mineralne sirovine na predmetnom lokalitetu,
  - Rješenje o okolinskoj dozvoli ili potvrda nadležnog organa da ista nije potrebna.
7. Ova prethodna vodna saglasnost se daje sa rokom važenja od 3 (tri) godine od dana pravosnažnosti rješenja i ista prestaje da važi ukoliko ne bude pribavljena urbanistička saglasnost i ne bude podnesen zahtjev za izdavanje vodne saglasnosti.
8. Ukoliko nakon izdavanja ove prethodne vodne saglasnosti, a u toku pripreme dokumentacije za vodnu saglasnost nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavijestiti ovu Agenciju, odnosno kantonalno ministarstvo, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.
9. Ovo rješenje o prethodnoj vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

### **Obrazloženje**

Investitor „Euro Stone Company“ d.o.o. Zavidovići podnio je zahtjev za donošenje Rješenja o prethodnoj vodnoj saglasnosti za izradu dijela projektne dokumentacije koja se odnosi na prikupljanje, tretman i ispuštanje tehnoloških otpadnih voda i aktivnosti koje mogu imati specifične uticaje na vode prilikom izvođenja radova na eksploataciji i preradi mineralnog resursa serpentinita-lerzolita na ležištu Hrastova kosa, na zemljištu označenom kao k.č. br. 2725/1, Rujevica-Boljak, upisano u PL. br. 280 Željezno polje, Općina Žepče.

Uz zahtjev je dostavljena sljedeća dokumentacija:

A-Opća dokumentacija:

- Aktuelni izvod iz sudskog registra, broj: 043-0-RegZ-25-001684 od 21.05.2025. godine izdat od strane Općinskog suda u Zenici – ovjerena kopija,
- Rješenje o izmjenama podataka, broj: 043-0-Reg-22-000040 od 07.02.2022. godine izdato od strane Općinskog suda u Zenici – ovjerena kopija,
- Uvjerenje o registraciji poreznog obveznika od 07.07.2021. godine izdato od strane Porezne uprave Federacije BiH – ovjerena kopija,
- Izvod iz Prostornog plana općine Žepče, broj: 03-19-4-335/23 od 25.03.2025. godine izdat od strane Službe za graditeljstvo i prostorno uređenje općine Žepče,
- Izvod iz posjedovnog lista broj 280, broj: 03-30-1-707/25-2 od 31.01.2025. godine izdat od strane Službe za graditeljstvo i prostorno uređenje općine Žepče – ovjerena kopija,
- Izvod iz prostorno planske dokumentacije, broj: 03-19-4-335/25 od 25.03.2025. godine izdat od strane Službe za graditeljstvo i prostorno uređenje općine Žepče – ovjerena kopija,
- Kopija katastarskog plana od 04.02.2025. godine izdata od strane Službe graditeljstva i prostornog uređenja- katastar općine Žepče – ovjerena kopija,
- Dokaz o uplaćenju federalnoj upravnoj pristojbi na zahtjev.

B-Tehnička dokumentacija:

- Studija za prethodnu vodnu saglasnost – Kamenolom serpentinita-lerzolita na lokalitetu „Hrastova kosa“ Željezno polje, Općina Žepče, urađen od strane Ibis d.o.o. Zavidovići, broj: 02-IB-5/25, februar 2025. godine

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozima, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

Zahtjev je u skladu sa odredbama člana 21. Pravilnika o sadržaju, obliku, uslovima i načinu izdavanja i čuvanja vodnih akata („Sl. novine FBiH“ broj: 31/15, 55/19, 41/20, 63/22), bio oglašen dana 12., 13. i 14.09.2025. godine u dnevnom listu „Oslobođenje“ i na oglasnoj ploči Agencije. U postupku oglašavanja nije bilo pisanih izjašnjenja, niti izjašnjenja datih usmeno na zapisnik kod nadležnog organa.

U provedenom postupku konstatovali smo sljedeće:

- Pravno lice „Euro Stone Company“ d.o.o. Zavidovići potisao je Ugovor o koncesiji sa Ministarstvom za privredu Zeničko-dobojskog kantona za istraživanje i eksploataciju mineralnog resursa serpentinita-lerzolita na ležištu Hrastova kosa, Općina Žepče.

- Površina istražno-eksploatacionog prostora iznosi 4,38 ha sa koordinatama prelomnih tačaka:

Tačka	y	x
A	6497687,91	4920023,42
B	6497905,70	4920122,53
C	6497904,21	4920111,16
D	6497943,37	4920056,70
E	6497971,96	4920028,65
F	6498000,87	4919984,49
G	6498020,93	4919966,20
H	6497855,92	4919861,16

- Ovim rješenjem o prethodnoj vodnoj saglasnosti dati su uslovi pod kojima investitor treba da izradi dio projektne dokumentacije – hidro fazu, a koja se odnosi na ispuštanje tehnoloških otpadnih voda i aktivnosti koje mogu imati specifične uticaje na vode prilikom izvođenja radova na eksploataciji i preradi mineralne sirovine serpentinita-lerzolita, na zemljištu označenom kao k.č. br. 2725/1, Rujevica-Boljak, upisano u PL. br. 280 Željezno polje, općina Žepče.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, kao i onemogućavanja degradacije kvaliteta voda, podnosiocu zahtjeva su ovim vodnim aktom, u tački 3. dispozitiva rješenja, shodno odredbama Zakona o vodama, Pravilnika o sadržaju, obliku, uslovima, načinu izdavanja i čuvanja vodnih akata i odredbama, Uredbe o uslovima ispuštanja otpadnih voda u okoliš i sisteme javne kanalizacije propisani uslovi koje je Investitor dužan ispuniti prilikom izrade projektne dokumentacije a koja će Investitoru biti potrebna u postupku pribavljanja vodne saglasnosti i odobrenja za građenje.

Na osnovu dostavljene dokumentacije i provedenog postupka utvrđeno je da je podnosilac zahtjeva ispunio minimum uslova za izdavanje Rješenja o prethodnoj vodnoj saglasnosti, te je riješeno kao u dispozitivu ovog Rješenja.

Podnosilac zahtjeva je izvršio uplatu posebnih troškova koji su nastali u postupku donošenja rješenja o prethodnoj vodnoj saglasnosti, u skladu sa Zaključkom o visini i roku za plaćanje posebnih troškova, broj: UP-1/21-1-40-294-2/25 od 18.09.2025. godine.

Podnosilac zahtjeva je uplatio upravnu taksu u iznosu od 80,0 KM u skladu sa članom 7. stav 1. tarifni broj 43. Zakona o federalnim upravnim taksama („Službene novine F BiH“, broj 6/98 i 43/13).

#### Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15,0 KM administrativne takse, prema tarifnom broju 3. Tarife federalnih administrativnih taksi.

Voditelj postupka:

mr Selma Merdan, dipl.inž.geol.

Po ovlaštenju  
Rukovodilac Sektora za izdavanje vodnih akata



Dostaviti:

- EURO STONE COMPANY d.o.o. Zavidovići, Dr. Pinkasa Bandta 6b, 72220 Zavidovići,
- ⊕ AVP Sava, ISV-vodna knjiga,
- Sektor 40 – arhiva,
- Oglasna ploča - AVP Sava